

RESOLUCION 05/2026

Maria Vergés Pérez, síndica deth Conselh Generau d'Aran, en tot hèr usatge des facultats que me conferís er article 29 dera Lei 1/2015, de 5 de hereuèr, deth Regim Especiau d'Aran, Presidenta dera societat mercantila "Pompiers Emergències SL", e vist qu'er article 20 des estatuts dera societat establissen que corresponen ara Presidència deth Conselh d'Administracion es foncions que "expressament se li manen".

Vist qu'en Conselh d'Administracion ordinari dera societat mercantila Pompiers Emergències SL, de 5 de junhsèga de 2025, s'aprovèc era incoacion der expedient de contractacion e era delegacion de competències ara presidenta dera societat, entara aprobacion der expedient de contractacion, aprobacion des Plecs de Clàusules Administratives e Prescripcions tecnicas, era aprobacion dera despena e era publicacion der anonci de licitacion deth subministrament *d'ua (1) ambulància assistencial 4x4 de supòrt vitau bàsic, classe B e ua (1) ambulància assistencial 4x4 de supòrt vitau avançat, classe C*".

Vista era prepausa deth subministrament deth Major de Pompiers Emergències SL, ena quau se da compde deth besonh de realizar eth contracte de suministrament pes motius que s'i especifiquen.

Vista era provision de Presidència ena quau se demane informe per part dera Secretaria e dera Gerència.

Vist er informe de Secretaria e dera Gerència.

Visti es Plecs de clausules administratives particulars e es plecs de prescripcions tecnicas redactadi.

Cossent damb çò que dispausen es articles 16, 25, 28, 116, 117, 122, 131 e 156 dera Lei 9/2017, de 8 de noveme, de Contractes deth Sector Public,

E RESOLVUT:

Prumèr.- Aprovar eth Plec de clausules administratives particulars e eth Plec de prescripcions tecnicas qu'an de regir era contractacion deth subministrament *d'ua (1) ambulància assistencial 4x4 de supòrt vitau bàsic, classe B e ua (1) ambulància assistencial 4x4 de supòrt vitau avançat, classe C*", plecs que s'adjunhen coma annèxes en expedient e que demoraràn a disposicion des persones fisiques e/o juridiques interessades, atau coma era despena corresponenta adaguesta contractacion per un pressupòst totau de tres cents noranta mil euros (390.000,00€), IVA inclodit, damb eth desglossament següent:

- LÒT 1: Eth prètz maxim deth subministrament s'establís ena quantia cent nauanta mil èuros (190.000,00 €), en tot èster eth prètz anterior desglossat en ua basa de cent cinquanta sèt mil vint-e-quate èuros damb setanta nau cèntims (157.024,79 €) e er impòst sos eth valor inclodit (21%) de trenta dus mil nau cents setanta cinc èuros damb vint-e-un cèntims (32.975,21€).
- LÒT 2: Eth prètz maxim de subministrament s'establís ara quantia dus centenats mil èuros (200.000,00 €), en tot èster eth prètz anterior desglossat en ua basa de cent



seishanta cinc mil dus cents ueitanta nau mil euros, damb vint-e-sies cèntims (165.289,26€) e er impòst sus eth valor inclodit (21%), trenta quate mil sèt cents dètz euros damb setanta quate cèntims (34.710,74€).

Dusau.- Aprovar er expedient entara contractacion deth subministrament d'ua (1) *ambulància assistenciau 4x4 de supòrt vitau bàsic, classe B* e ua (1) *ambulància assistenciau 4x4 de supòrt vitau avançat, classe C* mejançant procediment dubèrt, subjècte a regulazion armonizada, damb tramitacion ordinària, cossent damb çò previst enes arts. 28, 116, 117, 119 e Disposicion addicionau tresau. 2 LCSP.

Tresau.- Dispausar era dubertura deth procediment dubèrt subjècte a regulazion armonizada en tot procedir ara publicacion der anonci de licitacion en perfil deth contractant, e en DOUE en tot daurir eth tèrme de trenta cinc (35) dies naturaus entara presentacion d'aufèrtes a compdar dera data der enviament der anonci de licitacion en DOUE e dera publicacion der anonci en perfil deth contractant, cossent damb çò que dispausa er article 156 dera LCSP.

Quatau.- Dar compde d'aguesta Resolucion en primèr Conselh d'Administracion de Pompiers Emergències SL que s'amie a tèrme.

Casau, *signat electronicament*

Maria Vergés Pérez
Sindica